



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 79. Carolus Bichius Cardinalis mortuus.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. voveretur, ubi Bandinus pro Gallis
 A. C. 1718. suffragium tulit. Nihilominus mortuo
 Innocentio XII. rursus plurium Cardinalium
 vota in ejus electionem conspirabant, electo
 autem Clemente XI. plurimi habitus Officium
 Secretarii Status acceptare rogabatur, recusa-
 tem hac dignitate Præfecturam sacræ Congrega-
 tionis Concilii obtinuit, aliisque pluribus
 Congregationibus adscriptus, ubique Viri in
 rebus Politicis versatissimi, & in forensibus
 causis Judicis integerrimi partes adimplevit,
 tandem viribus & senio fractus Romæ die
 vigesima prima Aprilis annos natus octoginta
 novem decessit, non sine maximo luctu pauperum,
 quorum liberalis Pater exstiterat.

§. LXXIX.

Carolus Bichius Cardinalis mortuus.

Guarnac.
l. c. p. 355.

Alter erat Carolus Bichius patria Senensis, qui cura Patru Alexandri Bichii Cardinalis Romam delatus, ibidem Philosophiæ, Theologiæ, ac Jurisprudentiæ operam navavit, & pinguis-
 simam Abbatiam Montis Majoris in Francia obtinuit. Cum autem Comes Lavardinus Ludovici XIV. Franciæ Regis Orator eidem præciperet,
 ut

ut ante ejus Palatii fores Gallica stemmata affigeret, maluit suam Abbatiam dimittere, quam Pontificem id prohibentem offendere: A Clemente IX. Cameræ Clericus, & ab Innocentio XI. Auditor Generalis renuntiatus, ab Alexandro VIII. Cardinalibus Diaconis adscriptus est: Clemens quoque undecimus Bichium magni habuit, eumque variis Congregationibus accensuit, arduisque in negotiis ejus consilium non raro ceteris prætulit. Tandem vero octogenarius die septima Novembris Romæ supremam clausit diem.

Sæc. XVIII.
A. C. 1718.

§. LXXX.

Diversæ summi Pontificis Constitutiones, decreta, & varii argumenti epistolæ.

Occurrentibus variis, magnique momenti negotiis summus Pontifex opem, consilium, ac monita, prout temporum, rerumque necessitas exigere videbatur, adhibere, paterna sollicitudine adlaborabat: cum ergo anno priori Josephus Nicenus Archiepiscopus, & Apostolicus apud Helvetios Nuntius significasset, quod Leopoldus Lotharingæ Dux Constitutioni: *Unigenitus* obedientiam sua in ditione deferri curarit, & renitentium proterviam

Epist.
Clem. XI.
pag. 2283.

D d d 5

viam